


黛韻樓遺集

貴筑姚華題
籤



08178

戴
韻
屢
文
集

陳衍



序

婦女鮮有以文集傳者非不能文也祇以內言外言之限未能多有撰述故曹大家左惠妃雖著專集皆不過數篇而已秀妹韶齡嗜詞章學于駢體文具領悟猶憶其梳雙蝶髻傍余刺繡口中誦庾子山枯樹賦先妣笑曰是將爲女博士應考耶夜卧余側常以僻澀故典難余余以陶淵明不求甚解告之則曰姊其癡哉胡尙未知書有精義乎旣而椿萱見背妹亦漸長居方姨家余常歸甯視之見繡匣上有雜抄唐小品及八家四六問以胡爲戀此則曰夜繡眼倦藉可消遣及歸逸儒聞其閨房日夜偕讀若琴黛韻樓文集

序

一

瑟之調和其音余竊爲之喜有時以詩歌寄余讀之有晚唐神韻遂以能詩許之迨逸儒遊學外出妹常多病余偕垂弟時招妹作山水遊覽閩中名勝始見其爲詞余思詩詞同源不過音調之變猶未知其能爲文也間有書札與余論學洋洋灑灑氣機樸茂頗似古文猶未知其能擅於駢體也丁酉後妹隨逸儒居滬緘寄書札詩詞外附以新作駢文刊印於報章者余覽而異焉比及細味迺知其用古文之法爲骨以詩詞之藻彩爲飾蓋其二十餘年所學之精銳悉發于是抑亦遠步異地閱歷多見聞廣有得于山川之助歟王寅秋歸里與余同居朝夕以詩文相證余

惟唯唯自愧弗如戊申冬又以壽序贈余雖姊妹離合之情辭意真切令人讀而泣下第有虛譽過獎之處轉使余心慚忤辛亥暮春忽疊函囑余入都余固久聞其病深虞其不起也詎意余至妹已雞骨支床彌留時以文稿一束付余曰生平心血耗于詩詞者已刪定囑逸儒待梓問世惟此文編數無多不足成集且力薄未能成家願姊藏爲記念否則焚而棄之可矣妹歿後其女淑宜殉之不一月漢陽告警各省亦烽煙倏起京師戒嚴王公卿貳咸舉家走避逸儒以雙槽在停甯死守余倉卒攜兒間關南下由滬及厦所驚駭者尤甚于海上風濤抵寓大病今春始克登韻樓文集

序

二

將妹遺文展閱大半已爲世所膾炙傳誦者然計妹文就余所知原不至此數今僅此殆妹生前已自刪除矣因爲編次成二卷聞逸儒秋間當送柩歸葬卽以歸之俾合妹詩詞集壽之梨棗不忍沒妹一生苦心也妹之才雖不足上匹班左不能因其編數無多謂之非集也王子夏五月懷姊英玉嗣徽叙于鷺門之古浪嶼

黛韻樓文集目錄

卷上
收吳公五十壽辰煇詩頌

叙

目錄
高麗林太宜人六十壽序

秦淮賦
辛巳閏閏軍營頭吳夫人六十壽序

茉莉賦
白萍除悶

回鑾頌
序 題要圖詩對景

卷下
外國列女傳序

雙綫記序
閩川閩及後序餘序

八十日環遊記序
為壽圖序

黛韻樓文集

目錄

黃智丹宜人鯉庭獻壽圖序

丁耕隣先生閩川閩秀詩話續序

卷下
中國江海險要圖誌後序

中國江海險要圖誌後序

南洋日日官報叙例

代擬南洋周制軍暨配吳夫人七十壽序

代擬許母林太宜人六十壽序

英玉三姊五十壽言

卷下
敬如兄公五十壽辰徵詩啟

代救濟善會擬致高麗國王書

覆沈女士書

西子論

李清照朱淑真論

醫隱園記

黛韻樓文集 目錄

二

醫隱園誌

李清照朱淑真論

西子論

覆沈女士書

黛韻樓文集卷上

侯官陳薛紹徽秀玉

秦淮賦

甲辰臘日余率兒女訪繹如夫子于秣陵寄居東關老屋
數椽寒梅兩樹積雪凝砌溪水當門圍爐煮茗既乏詠絮
之才隔院燒燈那有獻椒之頌春日弄暖花光微薰六朝
山色青映疏簾十里歌聲時聞殘月仲秋既望泛舟秦淮
見夫衰柳條粗蒼葭葉短漁舟嘔啞畫舫喧騰名士擔簦
不翅過江之鯽胡姬壓酒猶歌玉樹之花風俗移人誰悲
黛韻樓文集 卷上

卷上

一

往古山河宛在我幸來茲爰感而爲之賦曰

大江東去秋色西來人間何世江南可哀山蒼蒼兮木葉
下波黯黯兮芙蓉開暈樓臺兮斜照送今古兮秦淮粵自
吳戰長岸楚獲餘皇蘆漪寢馳菜色逋亡解脫劔佩求掩
盜瀨江上之漁父已渺瀨水有女子遺芳究屬何地語焉
不詳秦始并天下至丹陽鑿橫瀆斷連岡壓王氣號龍藏
句容之流南匯溧水之源北張繞方山而綿亘出長江以
汪洋役千夫之杵畚擬萬世爲帝王八千之子弟忽起百
二之關河莫當笑失鹿之無策慨逝騅之可傷漢屬荆國
復隸江都建業是宅起于孫吳龍蟠虎踞鼎峙一隅棚塘

繚繞城闕盤紆乃開運瀆以挽飛芻立烽埃干白馬飾宮
寢于太初神龍赤烏之殿仙靈雲氣之圖萃連檣與巨艦
通水道與陸衢經始之作迺在具區石頭之降幡旣暨橫
江之鐵鎖遂虛花草冷故宮之色塵沙埋折戟之麤迨元
帝之東遷恃建康爲機樞馬柵夾築河橋前趨淮口屯戍
南塘列居温嶠布其營壘王導籌夫轉輸白石破蘇峻之
膽南桁梟王敦之顛宋齊梁陳風景不殊倏興倏廢曾不
須臾維時惠風弄春壁月映水瓊花吐芬金山凝紫避地
萃乎衣冠涉江采其蘭芷馬嘶舟子洲邊燕入烏衣巷裏
莫愁駕鬱金爲堂桃葉隔長干之里歡吟樂府之辭儂展
黛韻樓文集

卷上

二

澄心之紙復有黑頭狎客無愁天子大捨小憐臨春結綺
華林園有列肆之陳芳樂苑成屠沽之市柏梁災而建章
營褚淵生而袁粲死荷荷則索蜜可憐咄咄之書空無恥
帝王之家可不生文武之道斯已矣遂令金粉飄零豪華
中止桓伊之笛步無聲孫楚之酒樓自圯柳思張緒當年
樹對桓温如此新亭之淚未乾西州之哭無已二十四浮
渡竟散風烟五十六籬門難尋墓址舊夢一痕迷離烟泚
隋唐以後蔣州揚州瘡痍旣復天地皆秋望牙檣之不再
有宮錦而來遊野草生朱雀之桁青天落白鷺之洲楊花
飛而李花發宮城闕而子城週留臆子以洩水睡卧榻之

可憂雖復霓裳羽衣之曲豈免提鞋刻襪之羞闌珊春事
花謝水流亡何泥馬沉浮小作勾留通鶴背之故道戰龍
灣之上游金山寺紅袍玉帶黃天蕩鐵練大鈎柰湖山之
燈火老韓岳之貔貅明祖脫袈裟纒冕旒用陶安救民之
策立南都應天之休湖填燕雀星列女牛一十四樓花光
綺麗九十六里雉堞環周貫淮流于中道開畫舫與蘭舟
念否泰之必復豈盛衰之有由旣而同室操戈稱兵靖難
補鍋之匠沉淪火燒之頭送斷方正學十族駢誅黃尚賓
三門魚爛不回榆木之車又冷綠楊之岸比及天荒地老
之時誰發水剩山殘之嘆旣將監國迎來莫揭留都防亂
策

捕復社四公子起先朝三大案燕子朝飛春燈夜燦美人
之額紙糊塗馬家之口金瓏璨左寧南忽興江上之師史
道鄰竟葬梅花之畔孝陵之松柏已枯南部之鶯花頓散
從茲板橋寂寥淮水彌漫張魁官壓笛傷心卞玉京彈琴
悲惋徐青君居賣石園林寇白門冷叢殘池館滄海田成
紅羊劫換嗟嗟霸圖易歇勝地休誇荆垂楊以繫馬弔流
水于棲鴉丁字簾前廢渡辛夷花裏誰家罷盒子之雅會
放瓢兒之菜花蓬蒿埋其客路蘆葦掛夫漁父金陵之春
釀竟渺女墻之月影偏斜惟有寒潮急浪猶如鐵板銅琶
忽有歌聲隱于蒹葭謔曰沙棠之楫枯木槎劫餘老樹紛

盤拏欲向小姑祠宇去青溪九曲暮烟遮又歌曰聞上誰
隣張麗華兩行禿柳散烟霞留得千秋嗚咽水更與何人
作浣紗移舟呼之茫茫水涯所謂伊人是耶非耶

茉莉賦

畫廊向晚花光悄纖纖數點冰魂小綠陰搖曳一絲風透
入湘簾香氣裊種齊悉茗譯著鬢華伴來荔子夢比梅花
北勝南強莫問花田興廢豐肌弱骨幾疑珠樹天斜爾乃
暑氣清涼雨歇蝶影低蟬聲絕送夕陽迎素月暗香浮動
能消幾箇黃昏玉靨輕盈兀顯數星殘雪摘宜素手簪配
紅顏如珠絡索如玉連環合呼花面了頭細穿綵縷好倩

黛韻樓文集

卷上

四

畫眉夫婿扶上雲鬢調脂蒸露焙茗解醒薰成沈水碎綴
瓊英瘦到茶薇暗麝擣塵香不滅初同蘭佩冰壺剪屑味
尤清芬香馥郁清婉柔淑雅韻自標涼痕可掬笑問三吳
女子素柰如何豔若波斯夫人芳名已熟明妝皜淡真色
幽妍清回瘴海生本南天花氣襲人方覺輕風剪翦素心
有幾雅推此身娟娟

回鑾頌

并序

蓋聞易爻出震萬物感雷雨來蘇斗柄回寅大地普春風
和煦是以洄流陰浦急返軒圖白馬彤車喜瞻堯日長驅
造父挽游衍之駿蹄蹕御祝融轉巡方之鸞軫誠念燕都

鐘鼓天邑風雲陸海上京總建瓴之根本黃圖金鼎重神
器于宗祊縱教天步艱難豈改絃以修琴瑟况是民心愛
戴當立極而運樞機用是樂賡轉翠拂景翔宸詩賦還鄉
警靈綏福千官隊仗羲輪駕復旦之烏九圍臚歡天廡解
歸鞍之驥猗歟休哉簞乎尙矣欽惟 皇帝保和六合總
馭萬幾因事制宜秉鈞陶于乾斷與時通變立經緯而鼎
新順斗極以轉天關光照四表宏漢京而用周政德洽萬
方曩者臣工曩逆文武酣嬉誤信郭京煽術八卦之奇遁
渺冥坐令張角授徒三教之珠英混亂老拳毒手打破黃
鶴之樓爛額焦頭竟化沙蟲之陣遂使嗅地占軍五采旛
舞天震驚三輔饒歌載道出狩六飛者已 皇帝上扶
慈輦奉 文母以安車次率 椒闈作古公之走馬帥天
下以孝思正民風乎仁厚素衣豆粥沿途存問桑麻康叟
游童到處謳歌耕鑿識山川之險要關度居庸耀日月于
羽儀鎮開宣化入大同而下雁門踰漢帝河冰之渡望五
臺而瞻熊耳臨齊武避暑之宮訪汾陰之舊鼎篆獲游鱸
循蒲坂之故都山鳴瑞鷲撞關曉霧路繫龍門太華宵明
泉呈蟹眼東來紫氣遙迎保衛雍容西笑紅塵列掌旌門
小住旣而宏聖錄顯文謨咨四岳盛三雍躬親帷帳娛愛

日于景光燮理紀綱急調風于昃日策旋乾轉坤之道惟
聖爲能動雷霆斧鉞之威今王一怒玉津園刑殛兵端四
海五洲懷惠德未央宮詔頒責已兩儀二曜著聰明而且
止戈爲武玉帛相將知幾者神葛裘互易時不可失啟萬
類之生機功有非常創三章以立法凜湯盤康誥之語特
作新民詢皇居帝里之宜當謀天室或者謂長安金城天
府嶠函之險控于東被山帶河涇渭之川流而下終南龍
首壯周秦都會雄圖子午褒斜扼漢魏兵鋒要隘右扶風
而左馮翊星躔應鶉首之交隋太極而唐大安地勢發龍
興之象霸昌遺廡供芻牧于天閑細柳餘倉備糗糈于衛
戩

卒校獵闢經武圍場可復上林禁苑藏書修廣文慧業且
搜天祿石渠攄形勝爲崇基端合敞開淵囿得優游于樂
土奚須重數歸程或又謂開封四通八達高耀壽星陳留
浚儀俯臨汴水縣分新鄭有熊氏稱帝之都鎮號陳橋宋
太祖興王之地笑英雄于廣武豎子成名訪隱士于夷門
屠沽可錄啟信陵之館升蘭芷爲熊羆登尉繚之臺運韜
鈴于鵝鶴明堂良嶽正宜河上璇宮瑞聖宜春猶是當年
池苑輻輳萬方遠犖諸夏別開輦轂圖十年生聚之謀遙
望幽燕作半道停驂之想至有謂武昌地接川湘雞關馬
渡謂江甯星占牛女虎踞龍蟠城名萬人敵上跨黃鶴之

磯山號大壯觀下瞰盧龍之脈壇坳則郊天卽位吳蜀發
軻神基宮闈則安德太初梁陳衍功舊跡鸚鵡洲合選文
辭鳳凰臺足徵符瑞突兀虎頭鳳穴有神人騎鶴來遊崔
巍鐵甕石城本 聖祖駘龍駐蹕倘依勝地藉立神鄉襟
江帶湖天地石郭若移九鼎南來輦路定千門可闢縱作
三京並峙皇圖誠萬國所瞻然而廷爭巷議謀築室于途
人西顧南遷靡安居之崇牖湖 祖宗中原百戰奄有析
木之津萃關河上谷五州高據紫薇之座遼陽左眷故山
森木葉萬峯渤海下盈皇極享中華九域億萬年重熙累
洽龍蟠于 宗廟 寢陵十八省胙土封茅齏戴若股肱

元首枕崆峒而案泰岱吳鄂無其雄田督亢而澤桑乾秦
豫不足匹取擇天材地利周邦儘可維新尊崇強幹弱枝
帝業何妨根舊 皇帝乃命雨師灑道風后負書適星紀
之旣週展霓旌以旋返鋌戈麾羽精騎輕裝赤螭青虬屬
車陪乘行臺薦 天母嘉筵仙厨膾鯉金谷稅聖人法駕
錦幃圍花拂拂金風芝蓋颺翠雲閃爍灑灑白露瑞鞭照
阜澗澄清汴梁寓壽聖之官吏慶萬年仙酒淇澳出衛輝
之府農呈十月嘉禾鳳笛龍笙唱導引入燕之曲鵲山馬
服勒轡輿回馬之詩正定御奔雷鐵軌電掣星馳盧溝跨
曉月石梁山輝川媚歡騰鰲舳九衢來父老嵩呼香馥龍

墀正位受侍臣朝賀懿鑠哉堯巡禮重知稼穡之艱禹甸
功回慰庶民之願權時撥亂善則歸親持衡擁璇事皆
求已煉媧皇補天之石操大冶別具爐錘解伏羲治世之
繩飭萬眾共嘗薪膽將見皇風一鼓熙熙者如登春臺聖
道無疆赫赫然鑿臨寰宇臣妾每依南斗仰望京華深守
內言詎知時局仰荷周詩之化欲答昇平愧無漢史之才
敬書典誥微吟倚柱興思采葛陳詩織錦爲文恭擬椒花
獻頌其辭曰

天錫皇帝舜睿堯聰履元包德含和執冲西狩戡亂東
歸敷功天旋地轉馬同車攻時維八月歲在辛丑萬騎駢

黛韻樓文集

卷上

八

羅百靈衛守澶菊凝花仙雲拂酒詔令明發六龍四牡歸
歟歸歟行行且止顧問山川考同遐邇載書瑤華迎馬部
齒言旋舊京招搖北指藍田華山逾河浮洛駐步班禽前
驅引鶴鸞和玲瓏駟賦繹絡帝心和藹羣情康樂電飄
風舉泣止汴州供御華衍庶薦珍羞宙浹嵩祝川增海籌
以介慈壽懋祐臻休某月吉日乃臨河北車騎入關驂
驅返國仙仗秋光皇都春色出警入蹕克明峻德紫宸卷
班黃門奏舞樂唱還朝華騰照寓燭揭三辰振興百堵順
時回天恢業光祖大德疊疊治具乾乾被風偃草好學
崇賢歡聲滿野傳詩連編皇兮將兮於萬斯年

外國列女傳序

昔神祿開女教婚姻可正人倫嫫祖立婦功蠶織實資內助所天定則萬物於以生地道成則中國於以大顧麟趾關雎南國化行淑女而寄報逃嫁西方別有美人異俗殊風各行其是徵文考獻宜有其真故王嬙從胡俗史不諱書蔡文拍胡茄傳猶特列也矧乃紀兩戒河山以外溯四樓射獵之遺流沙弱水原王母所居末羯蘇毗號女子之國婆羅門咒云吉利肇三十六國語言臙脂山脉發崑崙成八十四變顏色若必文以德藻黜其淫哇微特糾錯元黃抑且消沉無有何以見彤管之陽秋補史家之外乘乎

壺謁樓文集

卷上

九

邇來吾國士大夫慨念時艱振興新學本夫婦敵體之說演男女平權之文紹徽聞而疑焉夫遐荒遠服道不相侔閨範閫儀事尤難見登泰山而迷白馬奚翅摸槃遊赤水而失元珠有如買櫝適繹如夫子載搜秘笈博考史書因囑凡涉女史記載遞及里巷傳聞代爲羅織以備輯錄計工七百餘日綜得二百餘條紹徽爲分十端釐成七卷既而又將刈薙兩目列作付錄一册外國女事於焉備矣嗟夫積塊四極悉是坤維羅刹七天非無女市劉更生不刪嬖孽能爲傳記之先解大紳盡錄古今未及冒彰之類誠以攀鞬裔遠爰劍種多欲用夏以變夷必採風而問俗況

觀人必先於內入國必察夫微乎據樹歐絲非若九頭紀
破髮覆面只在三河間西施嫫母好惡自出人心桓魋夏
姬褒貶且留皮裏縱玉關楊柳或有冬青柰西域葡萄不
名旌節據事直書適從其類鉤元索要悉如所言如是我
聞難免志寡記繁之誚云何於意聊資是非得失之林然
而驩虞見霸者之民嘻嗚占家人之吉情緣義起禮與俗
通嫁烏孫於遠道不妨別抱琵琶執葉柳於中原亦復操
持井臼却笑顏回禹稷固易地則皆然惟知女誠閨箴算
得天之獨厚借其鏡燭顯我文明所望靜女其姝善心爲
窈永畢永訖維持內則儀容如友如賓特立中閨品望四
德表幽閒之操自然風教宏施萬國咸衿袵而來豈果河
清難俟也哉

岱嶽韻樓文集

卷上

十

雙綫記序

壬寅七月余隨釋如夫子寄居海上課女咏詩呼兒作繪
曳柴食啖助班超之寫書燒燭添香伴子京以讀史一日
繹如自外歸手攜丹篆字露金題佐盧之梵體尤新貝葉
之芸香欲挹余笑而問之則以雙綫記對且曰神光離合
無非兒女私情雲雨荒唐別出溫柔佳話雖其新來海外
祇宜棄置篋中余曰不然維摩法喜內典猶存伽女阿難
佛經具在君能講學儂喜言情不搜漢苑碑官安見國風

好色乎倘蒙出口成章謹自濡毫待潤釋如曰可於是旅
燈相對書案雙憑調言語之侏離佐帷房之歡謔繼而棘
闌奪錦天際歸舟余亦橐筆隨之簪故里之黃花代寫銀
釭新句忽月中之桂子來薰硯席濃香美矣備矣十月旣
望是書告成矣余乃有感焉夫儷皮見三皇本紀乾坤秉
上古之爻青氈以八月爲期嫁娶定胡天之禮夫名金聚
執女乳便算好速妻號恪尊贈赤珠如通媒妁未聞有阿
姨阿等幻如倩女離魂三絕三通始作伯鸞佳耦如夏蘭
者曼理皓齒妙倩纖腰長短莫加以分嘖喜適宜其半家
傳金鑲珥七葉之貂璫首戴花冠守層樓之獅子十六間

波羅檀洞婿屋難容廿五絃錦瑟華年叔隗未嫁遂具善
心爲竊與思悅已者容天女化身鉛華不御觀音鑲骨眉
目皆春貴易交而富易妻豈得心心相印東家食而西家
宿自然面面皆圓則克一介莽夫三生情種邂逅目成殷
勤心許飛燕合德無石華廣袖之衣虢國太真有淡掃蛾
眉之別莫問曰妹曰茂剖分於錦襖絲繩况教集菴集枯
賦媚在亂頭粗服羗乃紗封玉臂睥下鏡臺無須鳩鳥之
媒共結鴛鴦之帶如臯索笑等遊戲於天公仙洞借臧戀
歡娛於太白固已盟心白水誓成比翼連枝詎知照骨設
環闌出天驚石破則有淡紅金剛鑽焉靡刻玉之茗華實

蕩情於帷薄惠而好我偷來賈女之香底事干卿竊到媵
娥之藥案起疑團事騰物議而則克之心猶未奪也迨至
宛轉君前從容自剖明說移宮換羽好花只此眞身轉拋
鳳隻鸞孤筮著竟占反目噫異矣從此身飄螢火骨掛飛
龍泊岸有船空見韋臯旋馬織機無錦那教伯玉回心幾
埋地下相思種成紅豆強剩人間恨魄瘦盡香桃亡何孀
姑逝矣癡叔仙乎富貴儻來藁砧頓返都謂墜歡可拾郎
情如起死之丹奈何宿忿未蠲女心鍊不移之石幸有鴻
都道士能充和事先生掉三寸法華之舌現成並蒂蓮花
開無邊歡喜之門收得同功蠶繭嗟夫鹿女無夫馬郎有
婦吉利吉利蘇盧蘇盧道其道而言其言不外貪嗔癡愛
色是空而空是色別成開合文章姑存一說亦足千秋故
準風俗於禮經觀樂無譏鄙下通人情以王道刪詩何礙
鄭音哉日者繹如省兄滬濱上計公車行色匆匆征塵黯
黯取儂拙稿壓君行裝莫今朝閨序鶯啼卽當驪歌楊柳
願明歲宮花馬策並看鸞鏡芙蓉

八十日環遊記序

噫嘻乎盧敖若士汗漫九垓穆滿駿蹄馳驅千里恣心所
適游躅至焉無如坤輿博厚非章亥推步所能週荒服睽
遙柰禹貢搜羅有未盡是以十洲三島夢託遊仙海賦山

經語多志怪莊漆園寓言有在一編任寫逍遙許元度勝
具克操四海何妨來往天鈞地軸日御風輪以驚心駭目
之談通格物致知之理誠已歸墟八統能戴大圓來越梯
航無分畛域矣此八十日環球記所由作歟夫大塊三千
六百軸計窮縮地長房測景七十有二臺力竭追日夸父
星馳電發舟車別創南鍼鑿險縋幽道路特開方軌陳元
龍氣涵湖海不妨賭博縱場司馬遷文託山川方許光陰
逆旅若福格者天驕遺裔島國儒生居隣青葉小兒地有
人言獅子受摩醯十戒縱橫則經緯羅胸通臘頂一書遊
覽以盈虛布算如月繞地如星經天蟻磨旋週無慮鑿空

博望烏輪返舍奚翅揮戈魯陽遊之可記此其一也然而
彼蒼鍊應變之才非無險阻東海起流瀾之想不少風波
濁浪氣麤荒山頭痛石尤颶母雪窟冰天甚且追蹤緹騎
張法綱以搜求火葬孤嫠宵情絲以汲引老拳毒手報在
睚眦奪馬射生變成抄掠無三寸轄咨嗟雨雪載途乏十
丈船伫望海天待渡奔牛結陣寶象排山虎豹夜嗥豺狼
書橫凡此艱難胥關智力全憑忠信利涉波濤遊之可記
此其一也至若殊方異俗何來探路甘英考獻徵文誰作
觀風季札雕題黑齒椎結文身居萬一千天地之中出百
五十種人而外隨太歲而轉金床茶毗到捻崖天子取阿

彌而射白鹿精騎發鐵林相公天神則四手八手非馬非
驢人民則三妻五妻不淫不妬梵宮令節伎樂讌其饒歌
貊隸設官黔黎聚其鼓譟總之戈壁有牛羊之迹鹽澤非
蜃蛤之鄉莫不採擲嬾逸史錄勅勒悲歌雖太史輜軒殆
不過是極風人旨趣復何以加遊之可記此又其一也惟
是書旁行斜上格磔鈎駢琢評邑勒誰知內外攸分撐犁
孤塗大非脣舌可盡變六書之妙法會意諸聲煩重譯之
苦心鉤元索要逸儒夫子窮經卅載游屐半球扶桑東經
佛蘭西渡薄六百餘部經典收圖籍於歸裝運三十六國
語言入淋漓之健筆獨以此雕蟲小技鄙而不爲挽鹿餘

黛韻樓文集

卷上

古

閒言之有味紹徽文慚香茗頌乏椒花生長閨闈未知里
閨伴賃春於廡下耕後鋤前隨游學於遐方唱子和汝客
牕調月清閨涼燈耳提面命展紙濡毫如聆海客奇談詮
寫寢瀛稗乘歷年僅半閱月者五劃然脫稿哀然成帙逸
儒又從潤色之箋註之而原書之精華奧窔於是乎著嗟
嗟趙夫人方帛刺繡於我何能孫樂昌蠟燭代賡則吾豈
敢

黃智舟宜人鯉庭獻壽圖序

闕宮作頌令妻繼燕喜而言列女著篇萊婦是綵衣之偶
御瑟琴之靜好寫堂構之相承雖調脂吮粉無非閨闈閒

情而積善教忠自是家庭樂事算而翁半生辛苦壽考乃
能作人賴新婦一册丹青彤管居然有煒此黃智舟宜人
鯉庭獻壽圖所由作也宜人世登玉署生近芳洲倘爲崇
嘏後身奚有不櫛之憾無媿阿承弱女爭傳內助之賢歸
平江蘇厚菴郎中不厭提瓿親自曳柴助赤壁之秋遊能
藏斗酒詠汝陰之春月相對梅花乙酉歲其舅淵泉封翁
六十生辰旬週花甲會際昌辰郎君官貴宜施行馬之門
壽者相成合慶扶鳩之祝維時厚菴初簪上苑之花已探
扶桑之日攜得大官肥羊百隻載來蓬萊春釀卅樽甘旨
速時合招大羅仙人共吟咏冠裳介壽且有摩訶使者問
起居而封翁曰否否蓋家風儉樸菽水已足承歡門外孤
寒餓殍尤爲可憫慨老人素懷施惠散利周貧願兒輩仰
體親心恤災救患敢不移三釜之饗殮供萬人之饘粥平
厚菴於是囑宜人爲畫四圖去華存實養志怡情借卿粉
墨寫我生平松柏蕭森本眉山瓣香之地檳櫺搖落乃橐
駝種樹之園立風雪于師門從吳札以觀樂戴星霜于古
渡訪杜陵而問詩往事艱難惟義方之是式于今青紫皆
庭訓爲始基悔當日咕嚕伊唔少不更事念所生勤劬鞠
育善則歸親圖成封翁顧之蹶然歡笑勉進一觴親舊知
之爭相題詠哀成一集可謂盛矣日者釋如夫子忝與厚

菴同曹誼若通家歡同舊雨共論所學之淵源始識克家
之弓冶紹徽因之得觀斯圖華墨柔婉姿態妍秀約精神
于濃淡現雲物之毫芒置邱壑之中非此父不生此子奉
思敬之教羨佳婦得配佳兒如聞學禮學詩得雞豚事親
之道將見杖朝杖國享公卿上壽之榮則斯圖也爲蘇氏
之家乘也可爲盛朝之人鑑也亦無不可紹徽粗知六法
實鮮專家意蕊心花有慚作者東塗西抹已是阿婆愧之
李淑玉之文來叙金石恐題管道昇之畫倒印好嬖

丁耕隣先生閩川閩秀詩話續序

蔚宗漢書錄文姬悲憤之作臨川世說載道蘊柳絮之辭

黛韻樓文集

卷上

十六

遞及詩傳本事紀破鏡于樂昌議著雲溪表畫圖之薛媛
朝野僉載容華新妝北夢瑣言孫氏蠟燭蓋蘭閨倒薤之
詞章誠文苑風流之佳話已吾閩地有姬山星當女宿太
姥則阿巒羣列螺女則江水彌清是以江采蘋斛珠慰寂
陳金鳳豔曲樂遊孫夫人柳結同心阮逸女魚遊春水縱
內言不出閩猶有詞翰流傳而女作登於男實秉山川靈
秀迨國朝以來衍光祿之派黃家姊妹香草留其遺徽梁
氏婦姑蔭林創爲專集一則備列附編一則如傳家乘曷
若博搜紀載揚彤管之輝光細刻苕華徵故鄉之文獻乎
故耕隣先生有閩川閩秀詩話之續焉夫三百篇冠以宮

人之什十九首半屬思婦之歌樂府有木蘭之辭或疑其
已作古詩賦蘭芝之事不識爲誰何旣弗彰姓字于芳椒
豈遽定閨幃之韻語抑或柳梢月上別有豔情花裏郎歸
微嫌綺語彼雀鶯滅却容光蓋晚愆而奚益若非烟化爲
怨魄實蕩檢之可嗤雖鄭衛國風不爲刪詩棄置惟淫哇
六代究非風世編章至若枇杷花下薛濤素號文妖冷落
門前琴操能參禪偈見飛瓊于天上語屬荒唐出金盃于
人間事終怪誕自卽固可無譏傳疑何如弗錄先生是女
史董狐選閨中珠玉述而不作自成寶錄之書簡而能詳
匪若傳聞之說比涑水之續六一義例尤嚴作女學以繼

盤韻樓文集

卷上

七

鹿洲體用俱備遂使建安舊郡揚列女之文聲武夷曾孫
唱諸娘之詞曲矣紹徽仰承母訓深守女箴頌好椒花集
無香茗雖借楚媚嫂氏編宮閨詞綜又佐釋如夫子輯外
國女傳然皆搜羅往古捭拾窮荒未能免乖訛之誚奚足
爲里閭之光哉去年入都經冬作病而先生有子威起舍
人釋如同年也以是書來囑序披卷讀竟厥疾霍然噫嘻
著詩歸于名媛斯爲閨閻儀型等正始之元音敢不敬恭

桑梓

玄閨神之題語時起慨然且上眼自纏翻其裏酒

日對古詩韻蘭芝之事不備漁翁同釣東溟漁子于

人卷五十五首半屬思婦之歌樂府有木蘭之辭或疑其

黛韻樓文集卷下

侯官陳薛紹徽秀玉

中國江海險要圖誌後序

粵自風后授圖章亥步地至賢疇四海禹王奠九州輿地之學由來尙矣所以周官司險邦國是資漢吏入關圖籍爲寶惠此中國宏我漢京蓋在是焉遞而倚相九邱既渺裴秀六體徒然水經之注詳北畧南元和之書佚圖存志太平寰宇侈張人物藝文勝覽方輿不錄河山險阻元明以降江海乃亟三吳水利粗識江防嶺海輿圖或堪外禦然又囿於偏隅泥於古制今則邊江峻險表海負嶕巒寶者無以禁其舟楫地者且將窺吾弊勢處艱危時非古昔古人有不見今月之悲夏葛豈仍襲冬裘之用此江海險要圖誌所由譯歟夫險要亦何常之有哉發岐陽車攻姜戎敗績斷匈奴右臂昆莫生心河湟復則唐衰燕代歸則遼熾又不在石敬瑭賂敵割燕雲十六州王爰石執拘棄嶺地七百里者矣人謀不臧地利奚恃哥舒翰舞半段之槍潼關不守姜伯約具斗大之膽劍閣竟墟力有不逮猶其次已易曰王公設險禮曰軍旅思險管子謂守轅轅荀子言拒松柏盡山林川澤之形成輔車襟喉之勢置烽斥

堰漲水爲溝守圍有餘勝算在握斯爲策兵事之所必爭
謀國是之不敢廢也而所謂江海者脈絡百川渾茫巨浸
鈔潯鯤愒暮布星羅憑陽侯之怒斷鎖有椎竭精衛之靈
填波無石鮫人合市爭關蜃樓海客乘槎欲干牛斗外則
起藩籬屏障之憂內則生堂奧腹心之患變交趾銅船遺
制鎔成百鍊之剛廣范蠡蜚石爲機力闢萬人之敵攻人
攻地取麥取禾鹿渾海安得無虞馬牛風居然相及然而
鬪樓橫江豈無魯奇之能鐵檣植海未必吳權之利主客
相搏勞逸攸分守嶮據衝搗虛批亢海山有鶴混江有龍
果使飛來天上奚難虜入掌中乎是書但切實用不叙煩

文言質法精意明事確窮島嶼之縈迴濟樓航之方軌凜
載舟覆舟之戒紀上展下展之殊度以絲繩弗差累黍合
之勾股如示周行等賈耽華夷圖匪濮恭括地志鄭若曾
海防圖論不若是之詳胡宗憲籌海圖編無以方其秘借
茲者鏡指我迷津繫鈴解鈴知己知彼倘能反燭相觀恰
若天與晉塊果克割疆自守居然江斷狸年原書之功不
已偉哉惟是循其舊例出以譯文筆似冗體似蕪氣似澀
語似陋固已更其精華究難湮沒附隸分目雜屢立編亦
復井井有條頭頭是道彼以其才攻我之盾勿以己是謂
人之非屈計其善大端有十昔漢書志地理猶補天文馬

彪言郡國不忘冠述乾坤本橐籥之交天地含清寧之氣
覆槃蓋笠周髀道其形望景立竿墨子創其說三百六十
度天象一週五億七萬步積塊四極合蠡測於管窺準高
卑以定位遂使海山兀兀海水湯湯如探俎上蒸豚如計
壁中鹿肉窺蟲之法既精青邱之數自得於是乎定經緯
圖傳覆矩必本指南之車儀有渾天別具璇璣之製取鍼
則有磁石拱辰則見眾星六觚分八區立取向僅六十四
卦之半南朔東西周規合二十八宿之宮赤黃子午參之
弧矢爲測圓海鏡指歸定其準繩出海島算經奧祕盡數
窮微變繁用簡無須盤外借籌實合舟中布算於是乎著

皇朝樓文集

卷下

三

羅經史記天官多言占候應劭風俗主祀箕星炎風滔風
薰風巨風淒風颶風厲風寒風說見呂氏爲笙爲管爲祝
爲絃爲埙爲鐘爲磬爲鼓注付淮南天籟地籟小和天和
祛塵噫嘘吸之功羊角搏扶搖之力飛廉斷渡颶母驚船
龍女夜哭颶三日潮海神來迎破萬里浪珠無可辟鐸尙
能占無恙布帆曷徵月暈於是乎占風期大小應徐疾之
月慎到談天卯酉屬陰陽之交宣昭測候長鱗出穴彭蠡
數九祠禱靈胥猶來白馬世無武肅誰挽彊弓石雞唱於
扶桑白鷺飛於海國舟人夜語雷鼓時喧或言子盛午衰
或別朝潮夕汐靈運獨知歲在春秋姚寬亦謂盈於朔望

合日月而進退示天地以信期於是乎微潮信九疑江邊
望之相似三神海上卽之徒勞抵幼海而見無辜望蓬邱
而知弱水戴來鼉背尖到劍鏃立砥柱於中流旋涌若沸
指金焦之兩點出水如浮燕起風生收集賈舶鳥飛岸近
特識海師青螺一盤芙蓉數朵果招天際丹歸奚患桑田
水淺於是乎紀山頭在於川上嘆逝者不過如斯遊乎呂
梁知蹈之別有其道百里曲千里直若轉黃河北曰赭南
曰龕來穿狹岸果終南捷徑之可通豈山陰道上之不暇
進止合節左右咸宜就淺就深中規中矩譬之畫江成路
自能履險如夷於是乎詳水綫函阿育舍利四萬八千結

果使青雲平呂何難奉贄充庭無如牛馬來眠隱辨水土
風氣雖云經俗詎可媮安要知國政方圓薄視人心向背
於是乎附民風微賤微貴貨殖一編資稀資皮計然七策
婆蘭載崑崙之舶計算奇贏貨屢設茶馬之司貿通珍異
魚鹽專利蝦蟇開場竿馬熨僮虬髯碧眼龍團雀舌莫敵
芙蓉之膏蜀錦吳綾竟奪古貝之布多財善賈懷寶函珠
竭天下之精材遂日中以互市於是乎列商務撮其指意
亦有體裁出六藝諸子之外在四名五志之間誠治世之
藥石非舊籍之糟粕山淵漁獵宇宙無藏其情繩墨權衡
江山大得其助若夫道安之記水源謝莊之圖方寸雖具

古雅不合時宜可無論矣繹如夫子學於古訓憂抱時艱
搜仕廬焚書作繡緝疏錄坐擁書城百雉能從學海探珠
胸羅武庫五兵誓欲中流擊楫請纓未遂磨鐵尤堅梁伯
鸞熱竈因人歌悲五噫張茂先潛心博物劔秘二龍其譯
是誌也計功二年易稿三次弗逞已說但具原編塞漏補
罅不辭筆秃舌枯繼晷焚膏渾忘風灑雨晦成書二十二
卷爲圖二百八軸較之鄭詳方畧賈奏道里劉記古今李
畧六代別開生面有加精焉亦自名家復何愧哉紹徽賢
遜萊妻學慚班妹匪負春之德耀聊伴齊眉學寫韻之吳
鸞嘗爲洗硯才如襪綫敢繡列國圖文不散珠敬序金石

錄云爾

代擬南洋日日官報叙例

湯盤三語銘文借警日新中庸九經稱事特標日省故黃
震講學有日鈔王樵讀書有日記也然而晝夜紛馳過如
駒隙事理交集多于牛毛縱教載筆於書留刊劄刷曷若
卽公諸世藉洽見聞今日者時局日棘風氣日移民智日
興學說日闢上思振作之良圖羣仰文明之盛治耳目旣
拓不必秘其風聞文獻可徵何妨用爲露布乎此南洋官
報所以於旬報外加增日報也夫報者于英號屬新聞在
法譯言曰錄雖非古制寔合時宜宣上德而通下情正民
風而息物議等天官之喉舌豈若金人備太史之輶軒且
揚木鐸况乎大江流日夜之聲南都稱冠冕之地人文蔚
萃賈舶懋遷視是聽靜何須動耳驚心政通時和正宜家
喻戶曉布大公之政策奚翅日談日講之書成小品之報
章亦符日知日聞之義蓋其體例可得而述焉方今 聖
人御宇陶四海爲一家 文母中宮昭二南于萬國周邦
雖舊可維新殷道復興惟修政萃萬幾于宵旰用六律爲
經綸鳳閣鸞台之詔令如聞雷鼓鼉夔夔鳥騰魚躍之歡聲
咸慶大恩蕩蕩于是乎錄諭旨而邸鈔隸之仲虺作誥無
非陳善閉邪益稷有謨不外颺言拜手諸葛亮盡瘁鞠躬

陸宣公蓄威昭德臣心如水帝澤皆春歸善于君何有素
餐尸位苟利乎國乃稱入告嘉猷於是乎選奏摺而公牘
附之賈誼著過秦之論鼂錯上兵爭之書梁竦七序左冲
三都雖王褒之頌賢臣堂皇典雅若劉蕢之策下第抑鬱
沉淪倘編什可傳卽卮言亦錄無文辭定體惟經世爲通
於是乎著論說而各國之譯編勝之陰陽之氣有感斯通
鉉疏之養久而合化珀拾芥而磁引鍼魚傳書而雁作字
迢遞之關山阻隔響應偏靈須臾之音問週旋氣機獨敏
縱橫蛛網速於傳命置郵搖曳蠶絲洩彼軍情消息於是
乎編電報而路透電音廁之若夫紀設官分職之事本內
治之大綱載會盟報聘之言得外交之要領強本節用度
支總財賦之煩啟滯發蒙揖讓成學官之美軍威壯鷲鶴
威聲疾雷迅電田舍話桑麻歡樂課雨占晴續貨殖編縱
衣絲乘車可弗禁補考工記惟善事利器以爲能至于屬
車駕矣磨輪鐵而馳寶藏興焉發金銀之氣問閭閻之疾
苦民事可登望檠戟之森嚴轅抄必錄揚風挖雅兼及詩
詞瑰異詠奇更編稗史凡此大端皆爲實錄惟是條目旣
屬紛紜義例非無通變或錯綜而出或斷續爲言或一紀
再紀不憚其煩或大書特書以重其事據所聞以載筆非
立意褒貶勸懲設有過則改圖豈故作是非黑白公論要

合人心先覩始爲快事計所作于日出有目得共賞之資
期爲市于日中不蹉成能馳之勢報之于此亦可觀矣嗚
呼在官言官莫笑拘墟周禮知我罪我其惟斷爛春秋
代擬南洋周制軍暨配吳夫人七十壽序

河山兩戒森牙旗燦戟之光福壽雙星叶天地神明之慶
是以延禧純嘏爲國佳祥耀日熙天與民歡洽而況令公
壽考猶有舉案齊眉老子婆娑何難比齡旗翼冬日可愛
古來尤稀作鎖鑰于北門占星辰于南極跨大江而標柱
石萬物隸通開壽宇以轉洪鈞百神薦祉如玉山尙書
者乎公秉三十六峯之靈秀羅二十八宿于心胸從戎投
筆班定遠立志封侯帷幄運籌馬賔王爲臣家客旣而津
沽權稅盧溝治河水功借農事並興船算與市租俱減議
樓船于橫海練我水犀因梯航之款關致其名馬至若提
點刑獄布化承宣五術觀風六條行國木鐸喧而燕民悅
福星載而蜀道通吏職旣精帝心簡在齊魯稱治吳越宣
威本亞夫之故裔將軍能眞似公瑾之復生英雄難老今
年十有一月爲公七十壽辰凡職隸倂幪分居寮案者咸
製錦稱觴哦詩獻壽禮也惟是杜預智名久欽海內宣公
奏議遍布人間登二十四考中書功留河朔配三十二人
圖畫名附雲臺垂譽史書鏤銘鐘鼎雖大書特書而不盡

豈苦言甘言所能諧哉用特裁汰腴詞摭摠實錄羅口誦
之碑侑手仇之爵約舉公蒞任兩江以來所施設諸大端
以表惠澤以明政策可乎庠序舊制原以禮樂爲先文學
專科合與語言并重所以文翁化蜀益從學宮裴頌刻經
重修國學道不越格物致知書廣搜旁行斜上外舍內舍
上舍更闢八十齋上士中士下士總限三十歲豈若唐興
學舍一千二百區宋費田租二萬五千緡已也公于是自
三江師範學堂以下增廣學室學額又保存上海復旦公
學周官九府黃金錯其文漢代百銖白選論其利變騎馬
人頭之法仍爲輪郭文章杜縱環鷺眼之私別具鑪錘剪
鑿頓使公私出納量增其贏黑澀駁斑莫生其弊有道則
見所值豈僅一文無翼而飛論價自然十倍公于是整頓
銀元局添建新廠龍蟠虎踞佳氣鬱天金銀白下石頭長
江作其襟帶謝太傅蒼生霖雨緬冷城之高風梁武帝佛
子慈悲剩臺城之遺跡是宜崇其鐵甕固我金湯役把杵
之千人築崇墉之五版欲使九攻不破非可九泥封關但
教眾志克成無妨布金散地公于是修江寧府城開籌捐
局濟眾未能堯舜猶病交鈔有法元明遺規張羅在有鳥
無鳥之間誰沾德惠設籌于總制經制而外別出權衡寒
弊實以濬利源合公財以便民用爲憂帑藏之空虛故使

錢幣以週轉匪糊紙裁皮之制局號寶泉無生塵朽貫之
虞秀稱交子公于是裁善後局設官銀號江淮雄鎮非文
弱坐治之區奸猾犯科須大將督捕之力鎖長江之天塹
何容南北分疆占女牛之星躔宜有騎官主國請回蟬冕
特駐虎旌代憲府以星營改宣撫爲都督旌旄犄角得左
輔右翼之資刁斗遙聞息一國三公之議公于是請撤江
北巡撫以提督代之從來通財鬻貨必爲市于日中轉物
候時立權會于天下崑崙營舶能算其贏茶馬設司當因
其利矧互市競相來往遠人必待懷柔乎宜有賈區俾其
列肆課婆蘭之載百事乃興闢蝦蟇之場萬貨俱悉公于
是廣下關通商場設迎賓館議開海州商埠教戰之法本
見于吳訓練之官特開自宋項羽應三戶而霸王弟八千
周武定一月爲期丁兵十二由是選六郡之良家作十年
之教誨軍心旣一士氣乃張視之如愛子嬰兒自成銳卒
衛我若股肱指臂競效前鋒公于是設督練公所改舊營
制行徵兵之令餘皇巨舟固勾吳之遺制幢幟鬪艦成赤
壁之奇功雖然橫漢天船猶是星皆拱北即使飛雲大舶
何能車獨指南胡越無共濟之異心南北豈分軍爲得計
黃頭共練青雀遙通合作一家全仗巨川舟楫惠此中國
詎驚隔海煙塵公于是以南洋師船并滬上製造船塢合

北洋海軍且也建標立候陳肆辨物而精材聚焉丹砂黃金
慈石鉛錫而寶藏興焉遞若旗槍妙品譜于陸家符留
異名疏于爾雅種由爛石羨自臨淵製法莫秘于枕中疆
界別求乎海外公于是興商務陳列所驗礦公所派員至
印度考查種茶製茶諸法又爲魚業公司創繪魚界海圖
更若春秋所紀一十二公或譏斷爛朝報元奘能得六百
餘部無慮繙輯異書日知日聞之必錄小史外史之所司
無捕風捉影之譏言豈禍棗災梨之著述一編風世七畧
名家公于是爲南洋官報加增日報並爲江楚編譯局廣
聘譯員更設官書局售出版諸書凡茲十日期僅一年亦
云偉矣公生平儉約見事精明寬厚待人勤慎持己食無
異品見范質之閨門忠不忘君若鮑永之行縣直不疑弗
言吏績長者可風顏有道秉性老莊愛人不殺陰行果昭
陽報福履自得壽天龍馬精神誠國家之祥瑞兒孫簪笏
擁陸地之神仙佇看袞鄂形容繪之臺閣所願松喬歲月
擁此旗旄德配吳夫人禮嫺內則箴守中閨修整珩璜維
持蘋藻曳柴佐晉陵之治內助成諸葛之賢散譽彤華雅
羨如賓久敬相臧白首何妨偕老興歌歲星合照江南有
和神當春之妙壽人並賡樂府享從心所欲之歡也已某
某章武識荆桑乾御李金隄立馬猶留奉和之詩渾河溯

源親領扼流之策今日者感春風之化被喜冬至之陽生
用徵杖國休祥敢附麥邱禱祝噫嘻老人星見却和織女
交輝壽者相成當與陀移并齒

代擬許母林太宜人六十壽序

闕宮頌魯壽母傳燕喜佳言樂府到秦壽人本房中法曲
歌南山黃鵠同歡壽寓之春招西母青鸞合飲壽泉之水
蓋閭德有昭于彤管而大年自匹于貞珉如許母太宜人
是已太宜人乃吾閩林公維禎長女念茲封翁德配也季
蘭婉婉姆教曾嫻尹姑儀容女師有則竊本善心之訓綈
素能歌配爲佳偶之稱蹇修可託小占鳳卜知敬仰必昌

篋韻樓文集

卷下

十三

共挽鹿車全鮑宣盛德然而長卿四壁顏子一瓢曼倩苦
饑何能割肉梁鴻質庶却有齊眉赤米白鹽咸羨持門之
婦男錢女布半由內助之賢無如文章千古偕老難期遂
令伉儷十年未亡抱痛太宜人柏舟矢志井水盟心對梁
間之孤燕弔影自憐聽簾外之啼鶉有聲皆血波瀾恨海
莫填精衛之甕缺憾情天特鍊望夫之石寂寞單鳧寡鵠
苦調獨彈伶仃雛鳳嬌鸞劬勞待撫用是折蘂存惠畫荻
教書義則兼師嚴還代父秋燈黯澹杼機課咕嚕之聲角
枕悽涼魂夢數汎瀾之淚而且牽蘿勉強恤緯支離菴蔬
之草抽心更榮款冬之花凌寒始曜婚嫁乃向平之願何

期累乃孀閨嗣宗慰伯氏之靈奚敢愛于少子凡此數十年太宜人之心力瘁矣所幸崔家三戟尙多一人荀氏八龍却成半數伯霜仲雪分途各守專經媿婦嬰姑隔院時聞棋語珂珊大令其三子也善讀楹書旁通梵字捧來紫誥送喜慈烏迎養板輿忘憂萱草葡萄瓜果隆報答于二春祿服金花待起居于八座否以泰占兌將坤應謂非天憐苦節不爽報施世卜甘臨有徵視祉哉夫桓齋行義無非貞順五更皇甫禮宗不外綱常二字夫如柳下惠諡之足爲泉壤幽光子有雋不疑訓之可作朝廷循吏所以敬姜書哭特著令儀孟母斷機惟虞廢學盤錯則艱難備矣

藍韻樓文集

卷下

三

地道終底于成心肝以冰雪鍊之女宗自然可式故甘泉圖像金母以法度爲尊懷清築臺巴婦則貞嶽自顯有足多焉是可述也今年三月爲太宜人六十壽辰應戴勝降桑之候正黃姑浸種之期連襪倚裳拜堂前之玉樹含飴繞膝長階下之桐枝寶發輝光朗照春申舊浦松筠節操喜生花甲週盤某等忝同桑梓微有葭莩素耳家箴常欽壺範仰壽護之不老相與躋堂願壽域之長春欲拚奏瓦愧乏靈瓊仙樂豔寫蟠桃敬陳松柏高標瑞徵福草讌北海金樽之酒慈雲長駐于百年續南唐女憲之書史筆尙頌于來者

英玉三姊五十壽言

設悅本內則之儀欣逢艾歲壽人迺房中之曲慶洽齊眉
沃盥儷笄已賡偕老姊咨妹昧豈得無言雖女子終遠于
弟兄實合風詩舊訓况齟齬相資以文字何妨撻拾陳辭
歲次戊申月當壬戌維我英玉三姊五十雙壽紹徽言告
夫君率同兒女紅塵西笑柰羈千里秋風野鶴南飛謹寄
一樽春酒禮也猶憶夫偕承 母訓共讀閨箴姊常簪花
以作字妹亦索筆以書眉伯兄能賦擬高軒長姊竟集成
香茗 父笑顧 母曰人羨河東雛鳳似劉家之三孰知
南陽卧龍數葛亮第二蓋謂姊淑質日新清心玉映徐惠

如小山之作未及笄年謝道蘊柳絮之吟別饒幽致其時
家庭雍穆頗類小康無如天道蒼茫忽歌何恃姊乃深感
柘捲代操并曰贈物榜壁豈敢污於嚴君聽經就籬將有
成乎弱弟每當璇闈人靜棐几燈昏課我女紅導我婦道
授曹大家之訓面命耳提講宋尙宮之書鈎元索要而姊
夫安溪陳嘯嵐明經吾 父高弟也等終軍之弱冠慕少
君之賢能正欣載酒候芭適合相攸之選詎意傳經子夏
轉爲廬墓之悲于是乎麟書絕筆鴟巢墜風誦恩斯勤斯
之義懷二人于九原歌叔兮伯兮之章招阿兄於五嶺姊
遂椎髻鹿車去接梁鴻之案妹若無家燕子往依盧姨之

居時繹如夫子聲馳藝苑名著文壇柳屯田之新詞唱宜
好女羅江東之妙句播入香閨姊因告妹曰才華若此相
如奚至長貧布幣非夫游楚必然可事用是媒定焉遣嫁
焉儻婿亞婿成門戶於兩家贈詩和詩接婢媪于道上眷
念舊情宛如昨日然而姊自爲婦之初宜家以後斷織最
學烹雖佐餐隨家婦升堂爲小郎施障雞鳴佩用侍立寢
門夙夜執勤必成手迹藁礎旣冠童子之軍遂得成均入
貢兒女雖就外傳之讀猶傳口授秘書頓使威姑含笑願
子孫悉如新婦孝思中表傳聞論禮法必準夫人儀則豈
虛譽哉可謂善矣姊夫能記蔡碑洞知罍鏡陳彭年爲學

黛頰樓文集

卷下

七

密室篝燈謝安石作文碎金積玉加以任俠尙義嫉惡如
風贖錢腳費除嗇夫之私白馬單車降鸞山之眾以故藍
溪父老平海耕夫感從事惠欲闢生祠聚仲弓門如求折
獄嘗偕姊歸展婦孺歡呼於道故舊薦食于堂雖非壯士
還家奔走有駭汗之輩謁見諸兄復我同歸有攜手之人
莫不仰冀缺之如賓惟德所聚見老萊之委畚爲壽之徵
也已紹嶽則隨夫游學到處移家楚尾吳頭燕南趙北翻
大雷寄妹之書臨流生感誦杜陵有妹之句對月興懷所
幸塞雁常通河魚無阻此言客况維艱彼道家居不易縱
是米鹽細事無非藥石良箴慰睽隔之相思似音塵之遙

接壬寅秋始借繹如回鄉寄居姊宅入門相見俱已老蒼
執手殷勤雜爲悲喜訴舊事則辛苦備嘗聽好音竟蒼黃
入報桂子香多媚媚幸忝秋闈之捷蓬門瑞集沙哥亦分
乙榜之光乃歎文章有價大喬之雙眼如珠直教松柏生
輝女嬃之寸心欲瘁此皆姊生平友愛之苦衷故獲渺冥
之厚貺悉就姊家使姊親見之抑何巧歟旣而二女同居
一年相聚論詩讀畫笑共嬋媪稚女豚兒乾呼阿孀姊猶
關心疾疾經營藥餌茶湯替理巾箱摒擋男錢女布柰姊
有愛妹之深心而婦秉從夫之大義梅花朔月依然馬背
船唇楊柳東風爾望暮雲春樹情焉能已末如之何今者

黛韻樓文集

卷下

六

姊已祥占大衍自登眉壽之基朗若雙星高照榕陰之域
長君種得蘭蓀少子培成桃李佳兒佳婦能承菽水之歡
鼓瑟鼓琴合享優遊之樂遙知菊盞飛傳共作千春之慶
莫以茱萸遍插爲少一人之嗟噫嘻封姨本少女之風深
愧伯姬有娣月姊得長生之藥永伴譚公維私用寫手足
離合之忱聊當曼福駢齡之祝云爾

敬如兄公五十壽辰徵詩啟

雙星照彩面

夫麥邱之祝起于封人天寶之詩答于賓客介壽以言由
來尙矣然君子樂只固邦家之光而壽者相成實童蒙之
慶是以職職植植以難老洪範推五福先聲貞貞望望而

致祥大術得中宮劫數據鞍矍鑠韶景方熙修道康莊大年可致合揚金石廣徵摭實之英詞如說生平藉作稱觴之歡洽焉已惟我敬如兄公太邱望族湖海羈人奉使丁年先荀卿之遊學談兵甲帳有祭遵之雅歌班定遠飛能食肉聲名洋溢乎寰中李北平老不逢時蹤跡逍遙于海上坐有孔融之客牛屬英多家無顏子之田猶能揮霍曠志怡情奚慚謝安小草平頭白髮恰如和嶠喬松今年正月爲兄公五十壽辰初換桃符適逢艾歲後收燈之三日銘賜繡袍先觀醮之一朝事傳封海植椿天上八千歲之春可期擊壤人間卅九年之非已悟散仙人福慧自修故

將軍風流猶昨把鏡照面白傳成自壽之詩引鶴爲辭李委奏橫腰之笛用敢敷陳瑣屑特效引隍恭求裁剪珠璣無傷大雅兄公生具岐嶷少多穎悟就傳之年已通三禮舞勺而後自講一經比及馳騁四國遊覽五洲拓詩思於大荒鍊文心於窮海周羅喉執筆常居文士之先虞仲翔馳書別有春榮之秀又不僅旁通梵字解三十六國語言繙緝異書成六百餘部經典此文學之可述一也張公百忍豈爲門閭嵇康廿年未嘗喜愠椎牛致祭每興風木之思傷逝爲文尙感糟糠之舊羊徽被遇榮及難兄靈運能詩傳于弱弟徐伯彥撫姪如子馬文淵事嫂甚恭他如祿

秩散之親故四方仰續命之田豐儉共于鄉家九族藉同
功之火分所應爲情尤周摯此德行之可述二也糜竺幹
翩見于雍容晁錯智囊本其經術盧溝疏水湖其迹而未
湮黃河導流惜所言之不果識威旅諸臺必潰左券獨操
保臺澎四艦來歸兵機特秘別開斧鑿黔礦之弊政忽清
爲濟慈航津沽之兵氛可入况有辨給之才肯充專對之
使不亢不卑無偏無黨乎此經濟之可述三也善交久敬
固平仲之風和光同塵得老聃之道五陵裘馬惟杜老克
同遊十日琴樽雖公榮亦與飲而且慷慨好施緩急無忤
等堯夫付運租麥言念故人許劉义持諛墓金能容後進

長伏希鄴泉壽客度索神仙銘菊咏桃評松頌柏聲歌揚
抑若增洪算之籌文字因緣遠播陀移之國謹啟

代救濟善會擬致高麗國王書

蓋聞周急繼富惟君子有權衡濟眾博施是王道無畛域
豹皮往而鹿皮報義切唇齒輔車禮成文而行成章交處
久長歡洽况在槐榆橘柚兄弟一家貿易有無玉帛兩國
平所以恤隣請廣恩施之路叩門敢呼水火之求也恭維
大國王綜百濟領三韓秉八教以舞天駕九梯以立國魁
頭露紒兆啟維新發政施仁法取合德日者歐墨合縱津
沽有事簇八國旌旗轉萬里糗精馬騰士飽行役無患其

苦饑攻堅乘瑕窺邊必操其勝算王乃惻隱爲懷慈祥是
念芻糧饋遠免道濟之量沙韋牛犒師等弦高以却敵用
贈聯軍糧食烟酒等遂使遠近嗅地之卒左右骨都之侯
咀啜和靈餽飴含露投良將之醪葡萄醉卧噴蚩尤之霧
菸葉生香鼓腹望塵歡聲動地猗歟休哉非王之惠不至
此嗟乎天禍亞洲因在中國三輔震驚六師巡狩幸有
聖明在上不難銷兵氣以爲日月之光遞而庶職同心行
將展廟謨仍復河山之舊止戈爲武知幾者神諒王遙聞
必寬厯念惟是狼烽煙熄五幡之鷺鶴潛收而燕子田蕪
四壘之雁鴻畢集或麻鞋出走未充行在拾遺或游騎無

歸徒羨回軍跛者或王途商賈落魄堪憐或土著黔黎無
家可別田廬蕩盡溝洫餘生薪桂米珠鳩形鵠色大倉小
倉遭剽擄逼到饑寒甲糴乙糴無等差將誰緩急做會同
人時艱蒿曰愧無報答乎昇平好善從心共醕貲財以賑
郵竊做西國紅十字會之例六疾則敷藥餌五窮則表續
衣飲資斧于窮途贖乾糧于餓殍且復瘞埋枯骨撫庶孤
嫠几分所應爲責無旁貸實事求是率意孤行無如創深
灾廣費鉅事煩杜少陵廣廈萬間非可支于一木白太傅
長裘十丈究須集夫千狐昔齊通告糴于魯晉役泛舟于
秦隣交有道邗家克昌吳卽蒲贏越詎幸災趙可約歡燕
黛韻樓文集 卷下 二

奚吝酒綈袍宛在何妨愛及屋烏私廩可分安問風殊牛
馬果呼吸痛癢之相關胡被髮纓冠而不往伏望大國王
廣布福田宏開惠澤鄰子猶之兄子此憂甚于彼憂慨發
府金倉粟蘇我孤寒譬如夏雨春風活人骨肉千金市義
百萬卜鄰公眞長者豈無意於得烏張羅士感壺殮期圖
報在傷心當厄

覆沈女士書

書來論纏足之苦坦坦王道慨滅趾之不行洵洵狂瀾忽
現身以說法仗慧心之一片蘇筭步之雙跌第用意雖屬
可嘉惟所言未免過當是以不揣固陋爲陳一二夫所謂

纏足非古者非也李斯裹足之語已見于秦梁瑩約縑之
文更聞于漢纏雙行之新羅曲搜樂府量幾分之鈿尺事
紀唐詩微步珊珊凌波冉冉縱瓊屑之難徵有詞章之具
在厥風之來不已久乎又所謂纏足爲亡國遺製者亦非
也妲己之說不聞三代遺書宵娘之粧尙屬五季習俗晉
有鳳首之鞋唐有鴉頭之襪上起妃御下迨閭閻是皆斂
指纖纖現出圓趺綴綴豈若馬嵬錦靴教天子暫蒙塵宣
和鞋尖扶佳人快上馬哉至若仁愛無傷于穿耳豈父母
之不慈閨房有甚於畫眉匪男人之輕薄將相本無定種
詩書卽可自強婦女固有其眞柔順始爲正則全憑十指

壓針線於連年龜勉同心課米鹽於中饋女德能修婦道
乃備凡所謂弱種強國興業持家之說又在此不在彼矣
嗟乎裸衣以入神禹不敢違異國之風斷髮而來秦伯何
常變勾吳之俗彼異端之女與邪說之徒胡不思西國細
腰是好餓死幾希東瀛黑齒猶存養生奚礙乎有舉莫廢
免俗未能如纏足者雖異截鶴以續鳧無殊削趾以適屨
且雙鈎蓮瓣縱教細小可憐而幾寸弓彎誠見蹣跚不進
升沉嗜好似別鹹酸宛轉時趨各隨絛束是纏之固屬無
妨卽不纏亦何不可耶如謂旣纏者俱宜一齊放却換骨
無丹斷頭莫續必欲矯情鎮物勢成非馬非驢安能易俗

移風轉作不衫不履猶復孜孜以謀履製使不知足以爲
履竊恐非宜欲如稱體以裁衣所差有幾不過易高底爲
重臺變新月爲琴面卽無紅幫黃纒之形詎免寶屨香棊
之賦雖云返樸實反增華無益之爲可笑孰甚嗚呼淑德
以幽閒爲貴須知女子有行立言與義理相關莫作小人
下達

西子論

夫傾城傾國非哲婦之能妖而君寵君憐實王心之自蕩
倘乾綱果然克振則地道必底於成奚至塵上蘇臺草埋
幽徑失霸業之雄圖貽佳人之薄命哉若西子者生世从
黛韻樓文集

卷下

三

微麗質獨絕家住苧羅邨裏浴經脂粉塘中采香歸去傲
東施以捧心負薪行歌薄嫖母之衣錦笑伴浣紗姊妹掩
此蓬門詎知嘗膽君臣居爲奇貨於是土城容步遺世獨
立入市金錢先睹爲快雖豔幟之高標匪始願所及此迨
夫辭越國入吳宮珠簾蔽景明鏡靚粧椒華海靈銅溝玉
檻酣豢富貴悉出恩施終老溫柔敢忘敬愛無如黃池之
牛耳方盟東海之蒲羸欲竭笠澤三戰甬東一屨繡羅蔽
面勾吳之地遂墟鴟夷沉江響鏢之廊絕響吁其亡矣何
其慘也顧或謂驪姬禍晉本計倪之謀褒姒亡周見伍員
之諫烏喙未忘雪恥姑爲一介見遺蛾眉不肯讓人况有

三年學服借女戎以觀厥內使勁敵竟墜術中然而非也
西子雖並南威之美實乏伯嚭之奸縱遜樊姬諫獵之誠
實無越女擊劍之道既奉命以來嬪當委身而事主艾陵
之師自是君王好武屬鏤之賜不聞女子有言其無負于
吳者胡敢貳于越耶又或謂夫差既敗范蠡相攜扁舟偕
隱話烟波于五湖治產積居助貨殖于二徙同是功成身
退相惜惺惺免教烏盡弓藏轉呼負負然而亦非也西子
匪東郭有亂齊之禍無息媯存滅蔡之心奚必隱忍偷生
蒙恥再醮乎且溯夫椒行成之際終猶卑藁葬之時其間
生聚教養少艾已變阿婆安能濃抹淡粧耳順猶稱娘子
黛鬢樓文集 卷下 三

爲之說者豈是理耶嗟嗟破吳者越也非西子也亡吳者
吳也非西子也使無爭長于晉之盟敵固不得窺其後使
聽先事于越之說戎將何以生其心風雨五更鳳字之輓
歌誰託朽株二女蛇門之艷魄猶神此皆夫差之失策抑
亦西子之不幸矣晚節能香剩陶菊之秋容得似舌根不
死問胥濤之風味如何想綽有餘妍之態可無是非若蒙
以不潔之名殊嫌唐突

李清照朱淑真論

嗟夫息媯有同穴之稱乃謂桃花不語道后著回心之什
竟蒙片月奇冤謠詠興則娥眉見嫉講張幻而蠅壁易污

長舌厲階實文人之好事聖讒殄行致淑媛以厚誣黑白
既消貞淫莫辨竟使深閨扼腕抱讀遺編願教彤管揚輝
昭爲信史趙宋詞女李朱名家漱玉則居臨柳絮斷腸則
家在桃榔市古寺之殘碑品茶對酌賀東軒之移學舉案
同心槩鉛逐逐隨宦青萊絲管紛紛勝遊吳楚迨及殘山
半壁薄衾五更阿婆白髮已過大衍之年怨女歸寧莫寄
傷心之淚奚至桑榆晚景更易初心花市元宵徘徊密約
乎大抵玉壺頌金之案已肇妬才花枝連理之詩難言幽
恨露華桂子招眾口以爍金網雨斜風憶前歡而入夢負
盛名以致謗因清怨而生疑於是妄改基崇禮之謝啟雜

鼠廬陵集之豔詞李心傳要錄病在疏訛楊升庵品詞失
于稽攷西蜀去浙數千里傳聞不免異辭有明後宋三百
年持論未曾檢點且也張汝舟歷官清要奚言駟隴下才
王唐佐傳述始終誤作市井民婦當君臣播越之時安事
文書催再醮彼夫婦乖離而後何心詞賦約幽期實際可
徵疑團自破所惜者妄增數舉姓氏偶同爲主東君爵里
俱逸胡元任叢話變俗諺爲丹青魏仲恭序言仗耳食爲
口實好惡支離是非顛倒耳然而原心定論據事探幽編
集雖零落不完詩詞尙昭彰若揭贈韓胡二使者嫠婦猶
稱宴謝魏兩夫人貴遊可數寒窓敗几已醒睡夢疏鐘鷓

鷺鷥鴛似嘆小星奪月願過淮水猶存愛國之忱仰望白雲時起思親之念忠孝已根其天性綱常必熟于懷來安敢別抱琵琶偷貽芍藥花殊旌節樹異女貞哉推原其故或出有因衣冠王導斥將杭作汴之非早晚平津有稱夫爲人之異姦黠者轉羞成怒輕薄者飛短流長胡惠齊摘文之忌不知道高毀來生查子大曲所傳遂致移花接木僥僥易缺哆哆能張毒生蠶尾影射賦沙謗霜閨于身後語涉無根疑靜女于生前寃幾不白豈弗悖歟吁可怪已

醫隱園記

丁未冬釋如夫子觀政郵部余率兒女隨之北上寄居力

簾韻樓文集

卷下

三

君軒舉員外後宅西院一室如舟八牕向日雜鏡奩于牙籤伴繩床以藥鼎蓋余舟車困頓觸發舊疾也維時捲地風號極天雪虐爐火凝而不溫硯冰凍而欲裂偶緣病間遙窺簾隙見夫枯樹槎枒粉牆低亞飢鷹上下黃沙迷漫不辨地勢方廣第覺寒威凜冽而已經春而後百堵皆興鑿井通泉疊山壘石半畦種諸葛之菜矮籬掛邵平之瓜新栽之柳都活前度之桃又開復有上苑枇杷楊州芍藥來禽有帖海棠無詩含芬吐芳綺繡交錯曾日月之幾何成畫圖之一幅其天王之變幻歟抑人力之經營歟余烏乎知之祇以牕臨場圃地似蓬壺草色入簾花光擁榻若

邱壑宜置此子若看竹奚問主人若取明月清風之無禁
若對茂林修竹之有情願而樂之無能名焉釋如告余曰
此蓋力君之醫隱園也噫嘻力君職本農官學通醫理輔
君可成農稷之治活人久擅岐黃之能列十二教以植民
生遇七十毒乃見癥結黍稷稻秬別土宜寒熱溫涼論藥
性既熟齊民要術兼具良相始基况逢龍虎之時無俟熊
羆之夢固不必隱又何能隱哉釋如曰否否上醫視神色
候大隱畧跡論心所以伯高俞跗不著職官大乙雷公自
傳息脉抱朴求令爲丹砂太倉列名在方術自古醫無不
隱惟隱廼足成夫醫耳余曰是已夫鐘鼎雖尊奚若山林
之樂官祿可慕何如泉石之清故張良從赤松李泌學辟
穀名愈重則節愈高才彌大而退彌速易占肥遯詩咏衡
門良有以也力君未屈引年忽懷知止身雖留以戀闕貴
早辦夫買山無遠志之二稱讓老夫之一着思之爛熟賦
待遂初若茲園者地是幽燕天隣章杜隔松筠之庵接長
椿之寺量來十笏拓彼二弓基不必廣以人傳樹不在高
以花勝葡萄苜蓿柑橘芙蓉雜然前陳別饒風趣奚翅張
家別墅有牡丹梁氏故園引涼水耶當夫涼雨微霽皓月
初生力君常招繹如徘徊花底偕話桑麻術辨青囊書搜
金匱對奇石交論千古指綠楊春作兩家可謂盛矣然而

董奉杏林蘇耽橘井蒙莊吏隱曼倩陸沉雖居朝市之間
不啻蒿蘆之下臣心如水花氣長春幾疑羲皇之世見此
神仙中人斯真隱者醫云乎哉日者釋如將攜家具更擬
下居勝地不常芳隣難再爰引女子識賣藥之例用做左
芬賦方物之詞特寫元白結隣之歡並紀梁孟賃春之跡
自慚蕪拙聊報居停是爲記

